

ՀԱՆԴԵՍ ԲԱՆԱՍԻՐԱԿԱՆ

Մ Ա Ն Յ Ո Ն Փ

Յողբերգութենէ Արեւելեայ
Մահ էրմէնգարդայ արծակելոյ կնոջ Մեծին Կարոլոսի:

ՏԵՂԵԿՈՒԹԻՒՆ

Յամին 770, այլին Պեպինոսի արքայի Գաղղիոյ՝ Բերտրադա, ըզձացեալ խնամութիւն առնել ընդ տանն Դեսիդերիոսի՝ արքայի Լոնգորարդաց, ընդ որում գծդմեալ էր Գաղղիա վասն յափշտակութեանց ինչ քաղաքաց, գայ յիտալիա, և առաջի առնէ երկուս ամուսնութիւնս, այն է Դեսիդերատայ կամ էրմէնգարդայ՝ դստեր Դեսիդերիոսի՝ ընդ միում յորդուց իւրոց, և Գիսլայ դստեր իւրոյ՝ ընդ Արեւելեայ եղբոր էրմէնգարդայ: Քահանայապետն Ստեփանոս Գ, որ և նա խոթողեալ էր ընդ գնացս Դեսիդերիոսի, հռչակաւոր թղթով միով հնարի համոզակեր լինել արքայից Գաղղիոյ Կարոլոսի և Կարլմանոսի յետս կալ յայսպիսի ազգակցութենէ: Սակայն և այնպէս, Բերտրադա ածէ ընդ իւր ՚ի Գաղղիա զէրմէնգարդա, և Կարոլոս, որ ապա կոչեցաւ Մեծն, առնու զնա ՚ի կին:

Այլ ոչ է յայտ ստուգիւ եթէ վասն էր արծակէ ապա զէրմէնգարդա, և կին ածէ զիլգեգարդէ յազգէ Շուստացի: Մայր Կարոլոսի Բերտրադա՝ ոչ հաճեցաւ ընդ այն:

Այս է պատմութիւն էրմէնգարդայ՝ զոր առաջի առնէ քերթողն յերկուս միայն տեսիլս յԱղեթի Ողբերգութեան, որ և չունի ինչ մասն ամենեկին ընդ ընթացից գործոյն, և յեռեալ է ՚ի Նոյն՝ վասն արհամարհ ցուցանելոյ կամ ստգիւտ բերելոյ անուան և բարուց Մեծին Կարոլոսի:

Վայելուչ էր մեզ յետ ողորմօրհասի Կատարինեայ զշխոյի կնոջ Հենրիկոսի Ը, ընծայել և զայս, որ նորին վիճակեալ թշուառութեան, և գրեթէ հաւասար

վսեմ հանդիպեալ հանճարոյ ողբերգողի՝ յանդիման լինի մեզ իբրեւ անմեղ որ ա.
ղօթելով մեռանի, ձգեալ ամեալ ընդ իւր զսիրտս տեսողաց և լսողաց սրտառու
և հզօր իմաստից գիւթուլթեամբ:

ՀԱՆԴԷՍ ԱՌԱՋԻՆ

ՏԵՍԻԼ Գ

Պալատ Արքունի 'ի Պաշիա -

Դեսիդերիոս, Աղելքի, Վերմոնդոս, որ յառաջէ քամ զխրմէնգարդա,
Օրիորդք, որք ընկերեն սմա:

Վերմոնդոս

Քաջ սրանց Տեարք, աւասիկ էրմէնգարդա:

Դեսիդերիոս

Ե՛կ, դուստր իմ:

Քաջաւերեաց: (Վերմոնդոս մեկնի, Օրիորդքն հեռանան):

Աղելքի

Ի մէջ գրրկաց եղբօր քում կաս, ու առաջի հօր:
Ի միջի հին մրտերմաց քոց. յարքունիս ես արքայից,
Եւ 'ի քո իսկ, առաւել ևս մեծարեալ և սիրուն
Քան յորժամ մեկնեցարդ:

Խրմէնգարդա

Ո՛վ երջանիկ ձայն իմոցս,

Հայր, եղբայր. երկինք՝ բանիցս այս հատուցեն փոխարէն.

Երկինք միշտ ձեզ լիցի բաժին, զոր օրինակ եղբրուք դուք

Ինձ ձերումըդ եղկեւոյ: Ո՛հ, եթէ ինձ օր մի զուարթ

Էր ծագեւոյ, այս իսկ իցէ, յորում ըզձեզ տեսանեմ: —

Ո՛հ մայր անուշակ. ըզքեզ թողի աստանօր.

Զվերջին բանըս քո ես ոչ լուայ. դու մեռար աստ — և ես . . .

Ո՛հ, անշուշտ 'ի բարձանց հայիս 'ի մեզ արդ. ո՛հ, տես

Զքոյինդ այն էրմէնգարդա, զոր ձեռամբ քով պըճնէիր

Յաւուրն յայնմիկ, մեծաւ գըթով և հրըճուալից ցընծութեամբ,

Ում ըզհերսն յաւուրն յայնմիկ քո իսկ ձեռամբ փոքրեցեր,

Տես, որպէս արդ դարձ առնէ. և օրհնեալ դքս սիրելիս,

Որ պսպէս ժողովեցին զիս ըզբարձի թողի եղեալ:

Աղեկքի

Ո՛հ, մեր են ցաւք քո, մեր կորանք քո :

Դեսիդերիոս

Եւ մեր հոգ լիցի վրէժն :

Էրմէնգարդս

Հայր, ոչ ցայդ վայր ցաւք իմ խընդրեն. մոռացութեան լոկ ցանկամ.

Եւ աշխարհ կամակարուց պարգևէ զայն եղկելեաց.

Ո՛հ, շատ է, թող հիբութիւն իմ յիս վախճան առնուցու :

Ինձ պահեալ էր լինել սերտ մըտերմութեան և հաշտութեան

Նըշանակ անտըխեղծ : Զեղև երկնից այն հաճոյ,

Ա՛խ, գէթ մի ասիցեն, եթէ բերի ես ընդ իս,

Ուր ուրեք երևեցայ, կադ գըժտութեան և ողբումն,

Ամենեցուն՝ որոց կայի լինել գըրաւ ցընծութեան :

Դեսիդերիոս

Մի եթէ վըշտանայցես ընդ պատուհաս ամպարշտին :

Զվատըւէրն այն անարգ սիրիցես դու տակաւին :

Էրմէնգարդս

Ո՛վ հայր, զի որոնեալ յուզես ըզխորըս սըրտիս :

Ո՛հ, ոչ ինչ ելցէ անտի՝ որ զքեզ ուրախ արասցէ.

Եւ ես ինքըն գըլխովին խիթամ ըզնա հարցանել.

Ամենայն ինչ որ էանց, ունայն անտի է վասն իմ —

Հայր, շընորհ մի յետին հայցեմ 'ի քէն. յարբունիս յայս,

Յոր անցի յուսով պըճեալ, 'ի գիրկըս մօր այնպիւսոյ,

Զի՛նչ առնել ինձ կայցէ : Պըսակ երբեմն ակնահաճոյ,

Առ խաղ ինչ եդեալ 'ի գլուխ յաւուր միում տօնականի,

Եւ փսկ և իսկ առաթուր անցաւորին ընկեցեալ :

Առ սըրբազանն այն՝ ապաւէն խաղաղութեան և գըթոյ,

Զոր երբեմն կառոյց քո մեծարոյ ամուսին,

— Դոգցես կանխադուշակ — ուր և քոյրն իմ սիրաանունդ,

Երանի՛ նըմա, որ ուխտ ընդ փեսային եդ. այնպիւսոյ՝

Որ համբուն ոչ զոք մերժէ, թող զի և ես դիմեցից :

Այնմ ամբիժ հարսանեաց յուսալ ոչ ևս է ինձ մարթ,

Կապելոյս այլով զօդիւ. այլ մարթ է գէթ անտեսաբար

Զաւուրս իմ անդէն կընքել :

Աղեկքի

Ձայդպիսի քո իղձ՝ հողմք տարցեն .
կեցցենս դու . քանզի չետուն երկինք ըզկեանըս լաւաց
ի հաճոյս չարագործաց . ոչ են նոքա ձեռնհաս
խամբել զամենայն յոյս , զուրախութիւնս ամենայն
Յաշխարհէ 'ի բաց բառնալ :

Էրմէնգարդա

Ո՛հ , իցիւ թէ բնաւ երբէք
Ձափունըս Տիկինեայ Բերտարդէի չէր տեսալ .
իցիւ բնաւ նըւոյ յիոյ Լոնգորարդեան յարենէ
Ձէր տինչացեալ ազնուագութն այն , և ոչ զաչս իւր յիս արկեալ :

Դեսիդերիոս

Վրէժխընդրութիւն , քանի՞ն դանդաղիցես ժամանել :

Էրմէնգարդա

Գտանիցեն աղաչանք իմ առաջի քո չընորհս :

Դեսիդերիոս

Խընամոտ խորհրդատու միշտ եղեն ցաւք՝ քան ըզգօն ,
իւ ժամանակն՝ անակընկալ բերող հոգոց լ'արկածից ,
եթէ ոչ ինչ 'ի քոյսցըդ խորհրդոց փոխիցէ նա ,
Դըստերդ իմ ինչ ոչ ժըխտեցից :

ՏԵՍԻԼ Դ

Անփրիդոս և Նոյնք

Դեսիդերիոս

Ձինչ բերես , ո՛վ Անփրիդոս :

Անփրիդոս

Պատգամաւոր դք , տէր արքայ , հաս յարքունիս , և խընդրէ
Ձի տացի նըմա լինել արքայազանցդ յանդիման :

Դեսիդերիոս

Ուստի՞ դայ , կամ ո՞ յըղէ :

Անիրիդոս

Ի Հոովմայ գայ, այլ հրեշտակ

Արքայի է ուրուք :

Էրմեկարդա

Թոյլ տուր ինձ, հայր, մեկնել աստի :

Դեսիդերիոս

Ո՛վ կանայք, 'ի սենեակսն իւր տարէք ըզդուստրն իմ.
Ի սպասու ծառայութեան նորին ըզձեզ կարգեցի.
Զզըշխոյի կալցի նա փառաց պատիւ և զանուն,
(Էրմեկարդա մեկնի ընդ Օրիորդսն) :

ՀԱՆԴԵՍ ԶՈՐՐՈՐԴ

ՏԵՍԻԼ Ա

Պարտեզ 'ի մենաստանի Սյրոյ ֆրկլիմ 'ի Բրեշիա. Էրմեկարդա, յեցեալ
յերկոռ օրիորդս, և Անսերգա.

Էրմեկարդա

Ընդ հովանեաւ լորեացս աստ : (Ի կողմն լինի 'ի թագմոցի) :
Զիարդ քաղցր է և անոյշ
Ճառագայթս այս գարնայնոյ, իբրը փարի զսաղարթուք :
Այժմ իմանամ եթէ զիարդ անձկով խընդրէ զարեգակն
Այն որ ամբ ծանրացեալ ըզգայ զկենացն փախուստ :
(Առ Օրիորդս) : Շնորհ ունիմ ձեզ, ձեզ որ նեցուկ կայք կըթուցեալքս կողից,
Եւ օժանդակ եղէք ըզձից զոր ըզճացայ ես այսօր,
Բոլորիւ միւսանգամ ևս աղատ օգովքս այս Մելայ
Զոր նախ չընչեցիս. ընդ երկնիքս իմ նըստել ինձ,
Եւ տեսնել զայն բովանդակ՝ ցոր վայր և աչք նըշմարեն :
— Ո՛վ քաղցր քոյր, ո՛վ տիրանուէր մայր՝ ո՛վ զըթոտ Անսերգա :
(Կարկառէ զձեռն առ նա. Օրիորդս մեկնիմ, թագմի Անսերգա) :
Հոգոց քոց և իմ վըշտաց ահա մերձեալ է վախճան :
Ո՛հ, չափով բաշխէ Տէր զայնս : Ըզգամ հանգիստ իմըն խոնջ
Կարապետ գերեզմանի, մանկութիւնս այս իմ ընկճեալ
Ոչ ևս այլ պատերազմի ընդգէմ ժամուն Աստուծոյ.
Եւ մեղմով քաղցրաբար, առաւել քան ըզկարծիս՝
Հինօրեայ 'ի ցաւս հոգիս՝ 'ի կապանացն զերժանի :
ԳՐԱԿ Գ.

Ջյետին հայցեմ այժմ 'ի քէն շնորհս, միտ դիր բանիցըս կարևոր,
 Լուր զուխտս 'ի մահ մերձեցելոյս, պահեա զնոսս 'ի սրբտի,
 Եւ սուրբ հատո յաւուր միում որոց յերկրի թողում ես:
 — Մի խռովիր, ով սիրելի. ո՛հ, մի յիս հայիր այդպէս վըհատ:
 Զիմանսս, զի այս գութ Տեառն է: Կամէիր թողուլ զիս
 Յերկրի՝ ցօրն յորում վերայ յարձակեսցին Քրեշխայ,
 Մինչև ոսոխ ոք այդպիսի հասեալ գայցէ մերձեցելի.
 Եւ յայսպիսի անպատում տանջանս կալցի զիս աստէն:

Անսքերգա

Մի զանգիտեր, սիրելի չըւառական, տակաւին
 Զէնք հեռի են դեռ 'ի մէնջ. 'նդդէմ վերոնայ և Պաւիայ,
 Ապաստանին արքայից և մարդկան հաւատարմաց,
 Ամբարիշտն 'ի գործ վարէ զամենայն զիւր զօրութիւն,
 Այլ ակն ունիմ 'ի Տէր Աստուած զի նկուն եղիցի:
 Քեռորդին մեր ազնուական քաջայանգուզըն Բաւդոս,
 Անսլաշտ սուրբ եպիսկոպոսն, ըզպարըսպօքս այսդեւք՝
 Խըմբեցին զպատերազմողըս Բենակեայ և Ղճորոց.
 Եւ անյողգողըք կան զօտէպինդք մինչև ցըմահ պաշտպանել:
 Վերոնա և Պաւիա եթէ անկցին կործանեալք,
 (Մի արասցէ Տէր.) նոր երկար կըռիւ. . .

Էյրմեկգարդա

Ես ոչ տեսից զայն.

Յերկրաւոր սիրոյ քակեալ և յամենայն երկիւղէ,
 Մեկուսի զըտայց ես 'ի զըժընդակ այդմ յուսոյ.
 Վասն հօր իմոյ աղօթեցից, վասն Աղեւքեայ սիրելւոյն,
 Վասըն քո, վասն այնոցիկ որք նեզին և որք նեղենն,
 Վասըն բնաւից: — Միտ դիր արդ յիշողութեան իմ վերջին:
 Անսքերգա, հօրս և եղբօր, յորժամ տեսցես ըզնոսին —
 Ո՛հ, մի լիցի ձեզ զըրկել ցընծութենէս յայսմանէ, —
 Ասասցես, եթէ մերձեալ 'ի հուսկ կենաց կատարած,
 Ի կեանք՝ յորում ամենայն ինչ 'ի մոռացման անկանի,
 Պահեցի քաղցր և հաճոյ ըզյիշատակ աւուրն այն՝
 Մարդասէր գործոյն, յորժամ առ դողողունս և տաքտամս
 Զկորովի և զգըթալիր կարկառեցին ձեռս առ իս,
 Եւ զբարձի թողի եղեալըս ոչ յամօթ արարին.
 Ասասցես, եթէ աղօթք իմ ամբարձան ջերմ և անդուլ,
 Առ թիոռ Տեառն Աստուծոյ՝ վասն յաղթութեանըն նոցին.
 Եւ թէ նա ոչ լըսիցէ, մեծ իմն անշուշտ կայ խորհուրդ

Խորագոյն ևս գըթութեան, և զ' 'ի մահուան անդ իմում
Օրհնեցի զնոսին: — Ապա, քոյր... հէ, ինձ մի զլանար զայս...
Դիտ զայր որ հաւատարիմ, որ երբ կամ ուր և իցէ,
Առ ահեղն այն թըշնամի ազգիս մերձեալ...

Անսքերգա

Առ Կարլոս:

Էրմեկգարդա

Դու ինքն ըզնա անուանեցեր, և ասասցէ նմա զայս.
Անցանէ Էրմէնգարդա առանց քինու ինչ վրիժուց,
Եւ ոչ ինչ 'ի յերկրի ատելութեան թողու խէթ.
Եւ յաղագըս սակաւուն զոր կրրեաց, զՏէր թախանձէ,
Եւ յուսայ՝ եթէ ոչ պահանջեացի ինչ համար,
Չ' 'ի ձեռաց անտի նորին նա զամենայն ընկալաւ:
Չայս նըմին ասասցէ, և... Թէ ոչ կարի դառնալուր
Ունկանըն խըստամբակ հասանիցէ բարբառս այս...
Թէ, ներելով թողում նըմին: — Խոստանայցես առնել զայս:

Անսքերգա

Չվերջին բանս իմ կալցին երկինք, որպէս ինձ սուրբ են քոյքդ այդ:

Էրմեկգարդա

Սիրելիդ, և վասն այլոյ իրիք ըզբեզ աղերսեմ.
Մարմնոյս այսմ՝ որում խընամ տարար գըթով այսքանեաւ,
Մինչ գոյր 'ի սմա շունչ կենդանի, քեզ մ'ի սոսկումըն լիցի
Եւ զյետին տանել խընամ. Ըամփոփեա զայն յանդորրու:
Մատանիս այս զոր 'ի մատն իմ յահեկի տեսանես,
Ընդ իւր միտցէ 'ի սափոր. առ սեղանովն ինձ տուաւ այն
Յանգիման Աստուծոյ. Անշուք լիցի սափորն իմ. —
Փոշի եմք ամենեքին. ես իւ իւր պարծեցայց. —
Այլ սակայն կրրեսցէ նա զօրէնս պատուոյ դըշխոյի,
Կապ մի սուրբ զիս դըշխոյ արար, և քաջ իսկ գիտես,
Ձի զպարգևս Աստուծոյ կապտել ոչ որ կարասցէ.
Եւ որպէս կեանք՝ հարկ է թէ այդում և մահ իսկ վկայեսցէ:

Անսքերգա

Ո՛հ, 'ի բաց տար 'ի քէն զցաւագին զայդ յիշատակս. —
Հան 'ի գլուխ ըզգոհըն, լուր. քեզույս այսմիկ ապաւինի

• Թոր Աստուած էած ըզքեզ պանդուխտ, ըր արդ քաղաքացի .
Եւ քո եղիցի յայսմ հետէ քոյին հանգըստեան տուն ,
Ըզգեցիր ըզսուրբ սըքեմն , և ընդ նրմին ըզհոգին ,
Եւ մոռա՛ ըզմարդկեղէնրս ամենայն :

Էրմէնգարդա

Անսքերգա ,

Ձինչ դընես առաջի իմ, զի սըտեցից ես առ Տէր :
Ձմրտաւ ած զի յանդիման եղեց նըմա հարսնապէս .
Հարսն անապական , սակայն մարդոյ մահացուի : —
Երանի ձեզ , երանի ամենեցուն , որք ըզսիրտ
Մատուցին արքայից արքային զերծ 'ի հոգոց ,
Եւ ըզքօղըն նուիրական զաչօք իւրեանց իջուցին ,
Մինչև յառեալ յերես մարդոյ : — Այլոց եմ ես :

Անսքերգա

Իցիւ չէիր :

Էրմէնգարդա

Ո՛հ , մի այդպէս . ըզչաւիղն , յոր կացուցին զմեզ երկինք
Հատանել հարկ է ողջամբ , որ զի և է , մինչ 'ի սպառ :
Եւ եթէ 'ի գոյծ մահուան իմոյ նորոգ իմըն խորհուրդ
Ստըընանց և զըթուլթեան յորդորեսցին 'ի սիրտն այն .
Թէ անագան ինչ զըղջմամբ , այլ տակաւին քաղցուննի ,
Ըզնըշխարքըզ ցըրտագին խընդրեսցէ նա իբրև իւր
Արքունի շիրմին 'ի դիր : Նընջեցեալք , ով Անսքերգա ,
Է զի զօրեղագոյնք քան զկենդանիս գըտանին :

Անսքերգա

Ո՛հ , նա զայն ոչ արասցէ :

Էրմէնգարդա

Դո՛ւ բարութեան այնորիկ

Դո՛ւ , ով ազնւագութ , արկանես սանձ անարգու ,
Որ չարժէ ըզսիրտ մարդոյ , որ ախորժէ , զի իւր շնորհօր
Ի դարման նախատանացն , այն որ արար , եկեսցէ :

Անսքերգա

Ոչ , թըշուառ դու , նա ոչ արասցէ զայդ — Ոչ իսկ կարէ

Էրմենգարդա

Զիւրդ, առ իմէ ոչ կարիցէ՛:

Անքերպա

Սիրունդ իմ,
Մի՛ հարցաներ անդրադոյն ելս, մոռացիր:

Էրմենգարդա

Օ՛ն, խօսեաց.
Մի՛ այսու երկրայութեամբ զիս 'ի տապան առաքեր:

Անքերպա

Ո՛հ, զեղեռն իւր ամպարիշտն 'ի գլուխ հհան.

Էրմենգարդա

Ասա՛. զի՛նչ:

Անքերպա

Մերժեա՛ 'ի սրբոյն քուսմէ բնաւին զնա 'ի բաց:
Յանցեաւ նա վերջստին նոր անօրէն հարսանեզբ.
Անամօթն 'ի մարդկանէ և յԱստուծոյ ակն յայտնի,
Զօրէն յաղթանակի, 'ի բանակն իւր ածեալ ձըդէ
Զիւրըն զայն իւղէգարդէ... (Էրմենգարդա նուշադի):

Թալմկն ըզքն զայ, էրմէնգարդ.

Ո՛չ լըսես ինձ: Ո՛վ երկինք. փութացարուք, քորք, ընթացէք:
Ո՛հ զի՛նչ արարի: (Մտանեն երկու Օրիորդք և այլ քորք):

Ո՛հ, ո՛նըմին օգնեսցէ:

Տեսանէք. ցաւ իւր առնէ զնա կըտտամահ:

Առաջին Քոյր

Զօրացիր:

Շընչէ նա:

Երկրորդ Քոյր

Ո՛վ եղկելի, յայդըմ տիոց հասակի,
Յայնպիսի տեղով ծընեալ, և այսգունակ չարչարել:

Օրիորդ ումն

Ո՛վ տիկինդ իմ անուշակ :

Առաջին Քոյր

Ահա բանայ զաչա՛ ՚ի լոյս :

Անսերգա

Որպիսի հայեցուածք, Ո՛վ երկինք, զի՛նչ լինիցի :

Էրմէնգարդա (՚ի ցնորս) :

Ի բաց վրտարեցէք զկինըն զայն, ո՛վ զինակիրք :

Ո՛հ, ո՛չ տեսանէք իբր համարձակ յառաջէ :

Եւ զարքային ձեռս հընարի ունեղ :

Անսերգա

Սթափեաց. ո՛վ Աստուած :

Մի խօսիր այսպէս, զգաստացիր, թո՛ղ անդր ՚ի բաց ըզցընորսդ :
Կարդա՛ զանուներն սուրբ :

Էրմէնգարդա

Կարողոս, մի տար թոյլ այդմ :

Ջահաւոր քո զայն աչաց ըզհայեցուած արկ ՚ի դա :

Եւ իսկոյն փախնուցու. ես ինքնին, ես հարսըն քո,

Եւ ոչ ՚ի խորհուրդս իսկ մըտաց երբեք մեղապարտ,

Ոչ կարեմ նըշմարեղ առանց բնաւին խռովելոյ : —

Ո՛վ երկինք, զի՛նչ տեսանեմ. դու ինքն առ նա ծիծաղիս :

Ա՛խ, մի, դադարեմ յանադորուն կատակէդ :

Տագնապէ տանջէ զիս, ոչ հանդուրժեմ ես այդմիկ : —

Մարթ է քեզ, ով Կարողոս, մեռուցանել զիս ցաւովք :

Այլ զի՛նչ քեզ անտի փառք : Ցաւեսցէ այդ երբեմն և քեզ : —

Սոսկալի է սէր իմ, դու պակասին ոչ զիտես :

Ո՛հ, դեռ քեզ ոչ յայտնեցի զամենայն. դու իմ էիր :

Անվրդով յուրախութեան իմում ես լուռ և եթ կայի :

Եւ համբուն ոչ ժըտէին պարկեշտ շրթունքս այս ասել քեզ,

Ջանխուլ սրբտին իմոյ զարբեցութիւն բովանդակ :

— Աղաչեմ, հալածեա՛ զդա : Տես, երկընչիմ ՚ի նմանէ

Որպէս յօձէ իմեքէ, սպանանեն զիս աչք դորա : —

Միայն եմ ես և տըկար . չիցես միակ իմ գուռ մտերիմ ,
Եթէ եղէ քո , եթէ հաս ինչ ինչ քեզ քաղցրութիւն ,
Ո՛հ մի զիս ստիպեր այսպէս մատուցանել աղաչանս
Առաջի ամբօսիս այս որ զինն ծաղր թռնէ . . .
Ո՛վ երկինք . նա խոյս տայ 'ի բազուկս իւր . . . մեռանիմ ես . . .

Անսքերգա

Ո՛հ , և ընդ քեզ ինձ մեռանել տացես :

Էրմենգարդա

Ո՛ւր է բերտադա ,

Ըղբաղջրիկն այն ըղգըթոտըն ես կամիմ բերտադա :
Ասա ինձ , գիտիցես զայդ դու զոր ես նախըն տեսի ,
Զոր նախկին սիրեցի ես յայսրմ տանէս , գիտիցես զայդ :
Ընդ թըլուառս ընդ իս խօսեաց . ատեամ ըղձայն բարբառոյ
Ամենայն մահկանացուի . այլ 'ի տեսիլ քոյ գիմաց ,
Այլ 'ի բազուկս քո գըթալիրըս ես ոգի կըլանեմ ,
Խընդութիւն իմըն դառն որ սիրոյ նըմանէ :
— Թող ինձ ընդ քեզ հայել , թող ինձ նըստել մերձ առ քեզ .
կարի պարտասեալ եմ : Առնթեր քո կամիմ կալ ,
կամիմ թանգուզել զերեսս 'ի գիրկըս քոյին
Եւ հեղուլ արտասուօ , ընդ քեզ կարեմ արտասուել :
Ախ , մի մեկնիր . խոստացիր ինձ չըխուսափել առ յինէն .
Մինչև ես արտասուօքս իմովք ելից արբեցեալ :
Ո՛հ , չըմնայ քեզ համբերել ինձ ընդերկար . զիս շատ սիրեցեր :
Ո՛հ , քանիս 'ի միասին աւուրըս զուարթս անցուցաք .
Յիշիցես դու : Ընդ լերինս անցաք ընդ գետս և 'նդ անտառս .
Եւ աճէր առ ամենայն այդ ցընծութիւն արթնութեանս :
Ո՛հ , աւուրք , ո՛հ , մի մի խօսիր ըղնոցանէ՝ աղբրսեմ :
Դիտեն երկինք՝ եթէ ըզսիրտ մահկանացուի կարծէի
Եթէ այնքան բերկրութիւն և այնքան վիշտըս տաճիցի :
Արտասուէս դու ընդ իս : Ո՛հ , ըսփոփմը զիս կամիս .
կարդա՛ զիս դուստրը քո . 'ի յայս անուն ըղգամ ես
Նեղութեանց իմոց լըրօմն , որ ըզսիրտ իմ ողողէ ,
Եւ արկանէ 'ի մուացօնս : (վերառին անկանի) :

Անսքերգա

Մեռանէր նա խաղաղիկ :

Էրմէնգարդա ('ի ցնորս)

Իցիւ թէ էր երազ, և այդ փարատէր զայն իբրև մէջ .
Եւ ես զարթնուի արտասուածուրմ, վըշտագին,
Եւ զպատճառն այնորիկ հարցանէր զիս Կարողոս,
Եւ կըշտամբէր զիս, ժըպտելով, թերահաւատ իբրու գոլ:
(Անկանի 'ի քմբոռքիւն):

Անսքերգա

Ո՛վ Տիրուհի երկնից, հաս 'ի յօգնութիւն թախծելոյս:

Անաչիւն Քոյր

Ո՛հ, տես, անդորրութիւն դառնայ 'ի դէմըս նորին .
Ոչ ես այլ ընդ ձեռամբ սիրտ իւր տրոփեալ դողդոջէ:

Անսքերգա

Էրմէնգարդա, Էրմէնգարդա, քոյր:

Էրմէնգարդա ('ի միտս եկեալ)

Ո՛ է որ զիս կուէ:

Անսքերգա

Հայեաց յիս, ես եմ Անսքերգա. օրիորդք քո կան զքե շուրջ .
Այնուադու՞թ քորք, որ վասըն քո խաղաղութեան աղօթեն:

Էրմէնգարդա

Օրհնեսցէ ըզձեզ երկինք: — Ո՛հ, արդարև, են դոքա
Երեսք խաղաղութեան և մրտերիմըն սիրոյ:
Զարթնում յահեղ երազոյ:

Անսքերգա

Այ հէք: Խռովալից անդորրութիւնդ
Այխատութիւն առաւել քան թէ հանգիստ քեզ երեր:

Էրմէնգարդա

Ստոյգ է. նուազեալ է բնաւին շունչ: Կանգնեալ զիս, ո՞վ սիրելի .
Ի մահինս իմ մրտերիմ ածէք զիս դուք, ո՞վ բարեմոյնք:

Յետին է այս վաստակ աշխատութեան զոր տամ ձեզ,
Այլ թըւեալ է ամենայն յերկինս: — Մեռցուք յանդորրու.
Խօսեցարուք ինձ զՍատուծոյ, որ՝ ահա զգամ զի հասեալ գայ:

Պար

Սըփռեալ զլանջօք վըշտաբեկ
Ըզհիւս վարսիցըն կակուղ,
Ձեռքն յամրաշարժ, ցօղաթուրմ
Սպիտակ դիմօք մահատիպ,
Անկեալ դընի գըթածն այն
Նուաղկոտ աչօք պիշ յերկինս:

Կարեկցութեան լըռեն ձայնք.
Մատչին աղօթք միաշունչք.
Ցըրտասառոյցն 'ի ճակատ
Կարկառեալ, ձեռքըն թեթև
Ըզկապուտակըն բըբօք
Ածեալ ձըգէ զքօղն յետին:

Մերժեալ 'ի մտացդ հոգածու.
Ձերկրաւոր իղձս, ո՛վ աղնիւ.
Խորհուրդ մ'ամբիժ նուիրաձիր
Հան առ Անմահն, և մեռիր.
Քոյոց երկար կըտտանաց
Ի հանդերձեալն է վախճան:

Այսպէս յաստիս անողոր
Ճակատագիր էր հիքոյն.
Մոռացութիւն միշտ խընդրել
Եւ երբեք ոչ ընդունել.
Ի՛ առ Տէր սըրբոց ելանել
Վըշտօք իւրովք եղեալ սուրբ:

Ա՛յ, 'ի յանըուն խաւարի,
Մենարանին յամայւոյ,
Ի նուազս երգոց կուսանաց,
Առ մաղթանաց սեղանօք,
Ի յուշ գային հանապաղ
Անդարձականքն այն աւուրք:

Մինչ դեռ սիրուն, և անփորձ

Հաւատադրուժ ապառնւոյն ,
Բզկենսակիր շընչեաց օդ
Զմայլմամբ՝ ափանց փռանկական ,
Եւ 'ի հարսունս Սալիքեան
Նախանձելի խառնեցաւ .

Մինչ յերկնաբերձ 'ի դարէ ,
Խարտեալ հերօք ակնայեռ ,
Զվազս 'ի գաշտին տեսնէր
Պընդելոցն յորս մեծափոյթ ,
Ի՛ ի սանձարձակ յերատանս
Կըքեալ զարբայն վարսագեղ .

Եւ զհետ նորա մոլեղին
Վառեալ բղձիս փըրփրերախ .
Եւ զերթուգարձ շընչասպառ .
Յիր բարակաց արագուն ,
Եւ 'ի հերձեալն երագազ
Զելս թաւամազ վարագուն ,

Ի՛արինոռոդ թաթաւել
Սըմբակակոխ բզկոյին՝
Յարքայական 'ի փըքնէ .
Եւ իսկ և իսկ բղձէմս իւր
Առ օրիորդսն չըրջէր
Սիրուն ահիւ տըխտտեալս :

Ո՛վ Մոսա թափառոտ ,
Ո՛վ Կրանեան եղկ լողարանք ,
Յոր զահեղ վերտա հոլնեալ
Մարտակըռիւ թագաւորն՝
Ի բանակէն իջանէր
Սըրբել ըզքիրտն աղնուակուն :

Զոր օրինակ չաղ ցօղոյ
Ի թառամեալ դալարիս՝
Զով զով ընդ ոտքն հրակէզ
Գնացուցանէ զկենաց հիւթ ,
Որով անդրէն դալարուս
Բառնեն 'ի մեղմ՝ տըշալոյս .

Այսպէս 'ի միտսն , զոր ժանտ

Նեղէ սիրոյ զօրութիւն,
Մըտերմական ինչ բանի
Իշանէ սիւգ անդորրիչ,
Սփոփելով զսիրան յայլ սիրոյ
Յանդորրաւետ ցընծութիւնս :

Այլ իբր արեւ վերագարձ
Ընդ զառիւկերն ատրաշէկ,
Անհատահոս փայլակմամբ
Այրէ կիզու զօդն անշարժ,
Զայն ինչ կանգնեալ ըզցօղունս
Յերկրի անդրէն խարշելով .

Այսպէս արագ՝ ՚ի թեթև
Մոռացմանէն թըմբեալ սէրն
Անմահանայ, և դրաւէ
Զհարեկեալ ըզհոգին,
Եւ ըզպատկերսն հեռացեալս
Դարձուցանէ առ հին ցաւս :

Մերժեալ ՚ի մոացդ հոգածու
Զերկրաւոր իղձս, ո՞վ ազնիւ-
Խորհուրդ մ'ամբիծ նուիրածիւր
Հան առ Անմահն, և մեռիւր .
Յերկիրն՝ յորում ծածկեացին
Փափկասընունդ. քո նըխարք,

Նընջեն և այլք եղկելիք,
Ծընդեալք ծիւրեալք ՚ի ցաւոց .
Հարսունք ՚ի սրոյ որբացեալք,
Եւ կոյսք ՚ի զուր խօսեցեալք .
Մարք որք զորդեակսըն տեսին
Սուսերահարս և տըխեղծ :

Ի միասապարտ յազգէ գրեզ
Բըռնաւորացըն սերեալ,
Որոց՝ թիւն էր քաջութիւն,
Եւ իրաւունք քէն վրիժու,
Հեղուըն արիւն՝ ուղղութիւն,
Եւ փառք՝ լինելն անողորմ,

Ըգրեզ ՚ի մէջ ճընչելոց

Եղին արկածք խորագէտք .
Մեռիւր խաղաղ և արտասուեալ .
Եւ էջ նընջել ընդ նոսին .
Յանդատապարտ 'ի միտիւր
Ոչ դք դիցէ թըշնամանս :

Մեռիւր , և դէմք անկենդան
Ամիտփեսային յանդորրու ,
Որպէս երբեմն , որ անփորձ
Խաբեպատիր ապառնոյն
Կուսական մեղմ խորհրդօք
Նըկարէին լոկ միայն :

Սապէս յամպոց փեռեկեալ
Պարզի արև մերձ 'ի մայրն ,
Եւ 'ի թիկունքս լերին
Կարմրէ զդողդոջ արևմուտս .
Գուշակ գեղջկին բարեմոյն
Պայծառագոյն ևս աւուր :

Թարգմ. Հ. ԱՐԻՍՏԱԿԵՍ ՂԱՍՂԱՆՏԻՆ

